

修之九年而成洞視千里無一物可隱以梁天監三年十一月十三日於九仙宮白日升舉

王真人諱靈與九江道士也勤志於道初居五老峯神人夜中謂之曰得道者若非其地如植五穀於砂石之間則不能成矣雖有升飛之骨當得福地靈墟爾後可以變化雖累德以為土地積功以為羽翼苟非其所魔壞其功茲道無由成矣靈與問何地可以棲止曰朱陵之上峯紫蓋之鄰地可以冲天矣遂自廬阜遷居南嶽之中宮一十二年群真下迎以梁天監十一年七月十三日就壇升舉鄧真人諱郁之昔與徐靈期為友周遊靈山宋元徽年中徐君於上清宮升天郁之徘徊仙山歲久梁帝聞其修道而闕丹石之備詔賜物力許於嶽麓山置上中下三觀為修鍊之所有神人告語曰洞門之中是招福之鄉延生之地善記勿忘丹成復回居紫蓋峯東以梁天監十一年壬辰十二月三十日有八真人乘雲車羽蓋降于室中即前得道升舉

者八真人也於是日揖郁之就自然石壇同升霄漢後有朝旨為之宮守擇道士以主薰奉至唐咸通年衡州刺史張觀陳乞賜紫蓋峯九仙石壇如其所請焉南嶽九真人傳

正一天師清微弟子 洪百堅 製作
道教學術資訊網站

南嶽小錄并序

道士 李 冲昭述

冲昭弱年悟道近歲依師泊臨嶽門頻訪靈跡唯求古來舊記希窮勝異之事莫之有者咸云兵火之後其文散失遂徧閱古碑及衡山圖經湘中說仍致詰於師資長者嶽下者年或得一事旋貯篋笥今據所得上自五峯三澗古來宮觀藥院至于歷代得道飛升之流靈異之端撮而直書總成一卷目為南嶽小錄庶道侶遊山得之披覽粗知靈跡之所自云時壬戌歲冬十月序

叙嶽

南嶽者周禮職方氏曰南嶽之鎮曰衡以其分當翼軫九輔紫宸鈴三氣之根鈎五靈之德上列注生之宿下符長育之功稱物平施故謂之衡山五嶽真形圖云潛霍廬麻玉筍洞陽小瀉九疑羅浮等十山為之佐命復有神仙聖境曰朱陵洞洞天也又云山稟靈氣時有異人又福庭誌云朱陵之天周環七百里七十大峯有五小峯有二壇露九青玉

學道居此度世上昇又青玉壇洞靈源光天壇悉是福地五嶽作鎮皆有高真統治蓋以導雲雨養萬物惠群生者也

五峯

祝融峯 紫蓋峯 雲密峯

天柱峯 石廩峯

祝融峯去地高九千七百八十丈在諸峯之址最高擁諸峯而直上有祝融廟基及青玉壇光天壇白壁壇雷公池風穴仙梨樹上清院基峯之東南有李泌書堂

紫蓋峯去地高四千五百丈九尺其形蓋義有似麾蓋因以為名上有仙人池七真閣下有紫蓋院基王氏藥堂

雲密峯昔夏禹治水登此峯立碑紀其山高下丈尺皆科斗文字近代樵人或有過者其碑至靈隱而不見又有禹溪及隱真平斷石源朱陵洞丹崖仙人石室存焉

天柱峯其形似柱因為名亦名柱括峯下有魏夫人石壇或云魏夫人在此處得道石廩峯遠望如倉廩其上方閣十丈傳云傍

通洞府昔有洞門觀胡浮先生常乘白豹遊之又有小石廩峯下有舜廟又有華蓋峻樓擲鉢回鴈皆小峯之數

三洞

靈洞 壽洞 洞真洞

靈洞以其通於仙源而多靈藥是有其名出紫蓋峯西逾聖壽觀合壽洞南下嶽觀分注平野及有洞真洞

司天霍王廟

司天霍王廟在嶽觀前去觀百餘步本以南方屬火配神曰祝融玄宗封為司天王以配夏享有廟今司人本廟在祝融峯上隋代遷移廢華嚴觀而建立今祝融峯頂有古廟基存焉

真君廟

真君廟在嶽觀之東五十餘步本與司天王同廟各殿開元中司馬天師上言五嶽洞天各有上真所治不可以血食之神同其尊祀既協聖旨爰知清廟是嶽也啓夏之際潔齋致醮兼度道士五人長備焚修酒掃即開元

十五年五月十五日明制也五靈經云佐治者九人從史三百人羽衛官三萬人為國家析真請命之地上真記云太虛真人領南嶽司命即炎老君也潛山真人鮑君訓治霍山真人韓君佐治金華真人黃君初平天柱真人左君元放南霍真人鄭君思遠霍林真人許君暎丹霍真人周君陽紫虛元君魏夫人華存並居佐命之曹吳越楚蜀之會皆當司察之

衡嶽觀

衡嶽觀在華蓋峯下按舊碑晉太康八年徐真人靈期鄧真人郁之建置梁天監二年周真人韓真再加弘葺武帝賜三百戶莊田充基業至隋大業八年詔請祭天師法濟李天師法起住觀焚修興行教法其衡州府庫田疇什物並賜觀資用唐貞觀二年太宗重書額請張天師惠朗度道士四十九人為國焚修高宗弘道元年請葉天師法善封嶽辟方四十里充宮觀長生之地禁樵採斷畝獵罷獻琛以為常典觀內有田先生得道降真堂

劉天師真堂後有尹真人上昇壇其觀碑文
隋學士曹憲撰今見存焉

招仙觀

招仙觀按舊碑文曰肇基劉宋分字蕭齊又
別傳晉咸亨間徐真人建置至齊元興元年

七月二日有住持昇玄道士張曇乘鶴白
日冲天其夜雷電激吼天地震動今觀後約
一里地有朝天香壇存焉唐貞觀二年蕭天
師靈護廬陵人時在嶽招仙觀亂後荒涼天
師素能點化之術遂點化黃白之物投以潘
轉錢物而初觀宇不數年克致完合貞觀五
年建尋其閣

九真觀

九真觀按碑文晉太康中鄧真人建置徐真
人祠唐開元年中有王天師仙喬初天師為
行者道性冲昭有非常之志因將嶽中茶二
百餘弗直入京國每携茶器於城門內施茶
忽一日遇高力士見而異之問其所來乃曰
某是南嶽行者今為本住九真觀殿宇破落
特將茶來募施主耳於是力士上聞玄宗召

見嘉歎久之問曰爾有願否對曰願營家
國盛濟濟經道興上深加禮焉俾於內殿披
度厚與金帛津置令歸嶽中修翔觀宇不數
年而完全道行逾高聲流上國尋有詔命封
為天師乾元二年三月三十日得道

又有薛天師李昌本綿州綿竹縣尉在京捨
官入道志操不群將歸南嶽上聞玄宗玄宗
嘉之亦厚頒金帛上命筆賦詩送贈有序曰
鍊師初解簪裾栖心衡嶽及登道錄慨然來
茲願歸舊居以守虛白不違雅志且重精修
忽遇靈藥志人時來城關也乃賦詩一首寵
行云爾詩曰洞府修真客衡陽念舊居將申
金闕要願奉玉清書雲路三天近松溪萬籟
虛猶期傳秘錄來往候仙與後封天師天師
又師司馬天師玄宗禮重呼為道兄凡是觀
中什物多是恩賜臨行又贈金器一百事銀
器二百事綿帛至多皆有御札天師以乾元
二年二月六日得道自離亂後焚燒蕩然雖
重修舍宇竟未完復唯存恩賜鐘一口重四
千斤咸通中有王尊師名因節住持道行出

衆營緝至多聲遠京師為王侯所重今在址
嶽封總教大師觀後有白雲先生藥堂又有
一小池名甘泉其泉味甘煎茶似乳舊日亦
有甘泉院

西靈觀

西靈觀按圖經云梁天監五年建置本女真
住持經兵火後未暇修營西有魏夫人仙壇
開元中有女真薛師在觀得道又於晨溪別
構道院每出入常有白豹隨行遊歷洞府薛
天師常詣之不與相見後不知所之

聖壽觀

聖壽觀本靈夏虛尚書名潘書堂以咸通六
年抗表奏捨為聖壽觀觀內虛公真堂壇殿
儼然又有層崖峭壁脩竹茂松澗水潺湲風
景甚異

九仙宮

九仙宮本張真人名始珍所居有石壇方闊
丈餘梁天監三年有仙者八人迎張真人於
石壇上同昇天去咸通九年衡州刺史史觀
奏置宮額十年十月勅下宜依所奏行之

中宮

中宮本梁朝王真人靈輿修行上昇之處又大曆年李得琳先生居之得道

元陽宮

元陽宮本晉朝陳真人興明修行上昇之處

上清宮

上清宮本徐真人靈期修行上昇之處大曆七年有玄和先生張太空居之得道又大中元年韓威儀居之得道

紫虛閣

紫虛閣有魏夫人仙壇高一丈二尺上圓平約闊一丈亦名飛流壇傳云夫人自撫州乘龍飛來至此夫人晉太尉舒之女諱華存號上真紫虛元君有臺閣儀像儼然又云晉咸和年於此修道又北去半里有神溪投龍潭每修齋畢投金龍於此

石室隱真官

石室隱真官大曆年中廣成劉先生玄靜修行之處行三五步岡奪虎穴而居之名曰隱真官刺史韓舉出俸錢為朔會真閣初先生

卷八

十二

在茲十五年餘修道莫有知者時因太史占

之云有真人星見隱者在茲徵得道應於天

丈上開武宗武宗遽降詔命委本道監軍使

遣人資詔徵召使人到嶽邊尋無所不至忽

一日中使人行及中宮西南面三里餘歷峻

攀蘿見一石室深邃屈曲有住之家於是攀

藤蘿入深乃見先生凝然而坐中使宣命先

生初乃佯狂後即承命尋赴闕庭詔封為帝

師號廣成先生却復茲地未幾而羽化今石

室有昔時鐫石為醮壇天寶臺確磳堊基

局茶竈燈臺皆就石而琢成之今悉存焉

凌虛臺

凌虛臺昔有薛天師李昌周尊師流汗相次居之得道

洞靈臺

洞靈臺本李天師明後居之得道亦是福地

漆香臺

漆香臺昔有女真居之得道今臺及聖境存焉

劉根先生藥巖

卷八

十三

劉根先生藥巖昔有仙人劉根居之修行之所在九仙宮之西北頗甚深遠亦殊異之境也

紫蓋院

紫蓋院昔有道人建置亂後唯基址存焉

白雲先生藥堂

白雲先生藥堂在九真觀西開元中司馬天師承積本號白雲先生後授貞一先生嘗於此修行

尹真人壇

尹真人壇在觀觀北百餘步真人諱道全上昇之處

田先生藥巖

田先生藥巖在中宮東面百餘步先生諱良逸元和中修行於此後得道

北帝院

北帝院在觀觀東北去觀三里昔有女真候鍊師居之修行動於香火後亦得道

洞真瀑布

洞真瀑布在招仙觀北去觀三里瀑布如簾

岳及亭臺碑文紀其勝異上有朝天壇昔日張真人嘗要上昇之處又下有投龍潭每修齋畢投金龍於此也

王氏藥院

王氏藥院咸通間有術士王生居之有茂松脩竹流水周遶及多種樹茶園今基址存焉

先天觀

先天觀傳云融峯院是觀基

隱真平

隱真平在雲密峯之中坦然而平方闊五里是神仙遨遊之所時人尋之少有到者

斷石源

斷石源在隱真平水源有石高數丈闊數尺而中斷上有鐫字云此有丹砂水如乳而甘香有人得掬飲之可壽至千歲尋遊者到此間唯聞石下有流水之聲在左邊聽即落右邊在右邊聽即落左邊罕有得者

朱陵洞

朱陵洞即三茅洞天在九仙宮正西三里有石巖下有平石方二丈是舊時投金蘭之所

傳云朱陵洞之東門也

前代九真人出九仙宮碑舊有九仙殿

陳真人興明居元陽宮晉武帝太始元年三月一日上昇

胡淳先生姓苑名存居洞門觀西峯構虛閣

晉惠帝永康九年四月上昇

尹真人道全居嶽觀溪晉懷帝永嘉元年正月九日上昇

徐真人靈期居上清宮宋元徽二年九月九日上昇

陳真人惠度居古玉清宮齊武帝永明二年五月十三日上昇

張真人雲嬰居招仙觀齊延興元年七月三日上昇

張真人始於居九仙宮梁天監三年七月十三日上昇

王真人靈典居中宮梁天監十一年七月十三日上昇

鄧真人郁之字玄寂居洞門觀梁天監十年十二月三十日上昇

又有雙龍祖雙子辨二人相次得道

唐朝得道人在嶽人十四人

殺先生景童天寶十七年七月三日得道

蕭先生靈護弘道三年八月十五日得道

李天師思恭天寶十四年八月廿六日得道

何尊師隱其名天寶二年十月十五日得道

薛天師季昌乾元二年二月六日得道

王天師仙喬乾元二年三月三十日得道

傅天師符仙乾元三年十一月七日得道

董先生泰仙大曆元年十一月六日得道

玄和張先生太空大曆七年二月八日上清宮得道

李先生德琳大曆十二年九月五日中午得道

田先生良逸元和六年正月七日在降真院得道

廣成劉先生玄靜大中五年五月十一日得道

周尊師混汗會昌二年正月得道

韓威儀大中元年前上清宮得道

韓威儀大中元年前上清宮得道

韓威儀大中元年前上清宮得道

韓威儀大中元年前上清宮得道

韓威儀大中元年前上清宮得道

田先生有弟子陳徵君馮徵君張徵君三人
不就徵皆於天台山相次得道

真君傳

漢中墨技尉劉向撰

赤松子者神農時雨師也服水玉以教神農
能入火自燒數往崑崙山中常止西王母石
室中隨風雨上下炎帝少女追之亦得俱去
至高辛時復為雨師焉

王母者神人之面蓬髮戴勝虎爪善嘯巖居
名王母在崑崙之墟焉讚曰

渺渺赤松 飄飄少女 接手翻飛

泠然雙舉 縱身長風 俄翼玄圃

妙達坎巽 作範司雨

田先生寫真讚 蒙谷子諸葛黃撰

田先生實衡之攸民間世所出天然真氣生
而知道醇孝養親得混朴自然之理言貌不
飾裘褐垢弊侯王禮重我亦不榮恥隸給輕
我亦不陋驅役鬼神意往即至一入衡嶽踰
五十年九百門人皆是軒冕請為法主一作
帝師廣成先生是也即先生之道其可知也

儀形可賞圖寫存焉自始及今未有稱述貴
承其開序以讚云

靈根獨秀 真人間生 仙非積學

道乃天成 任任德貌 落落神情

茲形如在 猶可作程

南嶽小錄終

正一天師清微弟子 洪百堅 製作
道教學術資訊網站

二經同卷

太上洞玄靈寶上品戒經

太上玄一真人說三途五苦勸戒經

陶一

太上洞玄靈寶上品戒經

爾時

天壽以開皇元年七月一日午時於西那玉
國鬱察山中淨羅之境香朵林所授太上道
君智慧上品大戒法文于時道君受戒首體
投地迴心十方思念

三尊是時諸天仙眾騰空而來龍車虎駕鳳
輦鸞與翠旄羽扇雲彩雲仙花寶節赫奕
光明嗚呀咤咤音樂鉦鐃騰空降綵來詣道
場仙人玉女旋繞燒香步虛讚誦稽首瞻仰
天壽微笑面目放光說戒度人聞者消殃
天壽教諸善男子善女人天上曹官每月一
日令二童子降於人間察其善惡錄人是非
行善者天曹上校其善簿造惡者地府下注
其惡名命終之後善者受福惡者受殃是故